




Anotada en el Libro de Resoluciones de la Junta de Gobierno Local, con el núm: RES/AYT/19899/2022 14/09/2022

Area / Unidade RR.HH PE0000 CLR	Documento 10816I0CAY	
Código de verificación  331G 6H22 094T 5W3T 04MB	Expediente 108/2022/1432	
	Data 12-09-2022	

**Asunto:** Cobertura, en comisión de servizos, do posto de Asistente de Administración no Servizo de Mobilidade (referencia 1755).

## RESOLUCIÓN

### ANTECEDENTES DE FEITO

**Primeiro.-** Con data 22 de xuño de 2022 a xefa do Servizo de Mobilidade Urbana e o director da Área de Infraestruturas e Mobilidade, co conforme do Concelleiro de Urbanismo, Infraestruturas, Vivenda e Mobilidade, remiten ao servizo de RR.HH. unha solicitude de convocatoria pública para a cobertura, mediante comisión de servizos, do posto de Asistente de Administración no Servizo de Mobilidade Urbana.

Dita cobertura temporal do posto solicítase porque considerase imprescindible para poder atender á carga de traballo existente na actualidade no Servizo de Mobilidade Urbana, no que se reciben máis de 20.000 solicitudes ao ano, e ademais teñen que xestionar distintas concesións administrativas de aparcamentos municipais, estacións de servizo de carburante e kioscos, das cales hai que liquidar todos os anos os canons. Polo que resulta moi urxente a cobertura do citado posto para resolver todos os procedementos, liquidar os canons e notificalos, e axudar na resolución dos recursos e incidencias que se presentan en relación coas concesións. A cobertura deste posto é tamén urxente para prestar apoio administrativo ao Departamento de Mobilidade para a elaboración de toda a documentación do Plan de Recuperación, Transformación e Resiliencia-Fondos Next Generation financiado pola Unión Europea, no que o Servizo de Mobilidade Urbana ten presentados 13 proxectos cos seus respectivos contratos.

**Segundo.-** Con data 22 de xullo de 2022 o Servizo de RR.HH. publica un anuncio de convocatoria para a cobertura temporal, entre outros, do seguinte posto de traballo, en base a petición efectuada pola xefa do Servizo de Mobilidade Urbana e o director da Área de Infraestruturas e Mobilidade, co conforme do Concelleiro de Urbanismo, Infraestruturas, Vivenda e Mobilidade:

1. Asistente de administración (Servizo Mobilidade), referencia 1755

O persoal funcionario de carreira que cumpra os requisitos esixidos na RPT e que quera participar nesta convocatoria deberá presentar a correspondente solicitude nun rexistro municipal ou sede electrónica, acompañada dun currículo, no prazo de 5 días hábiles, a contar desde o día seguinte á publicación deste anuncio no xestor de contidos ALFRESCO e na sede electrónica municipal.

**Terceiro.** As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Mobilidade Urbana	MU4000	Apoio Administrativo MU	Asistente Administración.	1755	C1/C2	18	AX	FR06

## CONSIDERACIÓNS LEGAIS E TÉCNICAS

**Primeira.-** O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

**Segunda.-** O xefe de Departamento de Xestión de RR.HH. e o Xefe de Servizo de RR.HH., có conforme do director de Economía, Facenda e Rexime Interior, unha vez examinadas as solicitudes recibidas e os currículos dos candidatos presentados, así como o informe da xefa do Servizo de Mobilidade Urbana e o director da Área de Infraestruturas e Mobilidade, co conforme do Concelleiro de Urbanismo, Infraestruturas, Vivenda e Mobilidade, remiten ao servizo de RR.HH. unha proposta de nomeamento de Dona Isabel Gómez Naveira, a única candidata, en comisión de servizos, no posto Asistente de Administración no Servizo de Mobilidade Urbana (nº ref. Posto 1755).

**Terceira.-** Considerando a urxente necesidade de cobertura dun posto de Asistente de Administración no Servizo de Mobilidade Urbana, có fin de que non se produza discontinuidade no funcionamento do Servizo de Mobilidade Urbana, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 101 da Lei de Bases de Réxime Local e o art. 96 e ss da Lei 2/2015, de 29 de abril, do emprego público de Galicia e o art. 3 do Decreto da Xunta de Galicia 93/1991 de 20 de marzo e demais normas concordantes, así como que a funcionaria proposta reúne os requisitos, procede destinar a Dona Isabel Gómez Naveira, en comisión de servizos, ao posto de Asistente de Administración no Servizo de Mobilidade Urbana, co número 1755 na RPT.

**Cuarta.-** Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Mobilidade Urbana	MU4000	Apoio Administrativo MU	Asistente Administración.	1755	C1/C2	18	AX	FR06

**Quinta.** O posto de orixe de Dona Isabel Gómez Naveira, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Infraestruturas	IE5000	Apoio Administrativo. IE	Oficial Administrativo	1857	C1/C2	16	AX	FR04



**Sexta.-** Os custos que xenere esta comisión de servizos atópanse orzados no grupo de programa 134, existindo crédito adecuado e suficiente para iso.

**Sétima.-** O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local. Por acordo da Xunta de Goberno Local de data 28/06/2019 (BOP nº 124 de 03/07/2019), atribúese delegación xenérica en materia de xestión de persoal ao Concelleiro delegado de Economía, Facenda e Réxime Interior.

Á vista do informe emitido polo servizo de Recursos Humanos, o Concelleiro de Economía, Facenda e Réxime Interior por delegación da Xunta de Goberno Local do 28/06/2019 (BOP núm. 124 do 03/07/2019), en uso das facultades que ten conferidas,

### **RESOLVE:**

1.- Destinar a Dona Isabel Gómez Naveira (NIF \*\*7491\*\*\*), en comisión de servizos, ao posto de Asistente de Administración no Servizo de Mobilidade Urbana (nº ref. posto 1755). As características do posto a ocupar son as descritas na seguinte táboa:

<b>Servizo</b>	<b>Código</b>	<b>Unidade Org.</b>	<b>Posto</b>	<b>Ref.Posto</b>	<b>G</b>	<b>N</b>	<b>Esc</b>	<b>C.E.</b>
Mobilidade Urbana	MU4000	Apoio Administrativo MU	Asistente Administración.	1755	C1/C2	18	AX	FR06

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será dun ano. Dita comisión de servizos pode prorrogarse un ano máis ou ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada e á Xefa de Servizo de Mobilidade Urbana.

A Coruña, na data da sinatura electrónica deste documento

A XUNTA DE GOBERNO LOCAL, P.D.

Concelleiro Delegado de Economía, Facenda e Réxime Interior

José Manuel Lage Tuñas